

CICULU 1

Ogettivi :

- travaglià nantu à a struttura : **induve vai ? vò ind'è mammò.**
- Amparà à cunghjughà u verbiu **andà** à a prima persona di u singulare : **vò.**
- Creà una vera situazione di comunicazione , à partesi da a fola di Cappuccinella rossa : u cuntrastu cù u lupu.
- Rinvestisce a nuzione amparata

Materiale :

- Fiure : **Petru – Maria - babbone- u duttore- u dentistu- ziu Antone- zia santa- mamma- babbu-**
- Tichetta cù a parolla : **ind'è**

Sbucinera

- A maestra dice a frasa di u cuntrastu ciculu 2 « scontru di u lupu è di Cappuccinella rossa in furesta », si pò ancu ghjocà cù e mariunette.
- Si ripiglia a struttura : **induve vai ? vò ind'è mammò.**
- A maestra dumanda à ogni zitellu di piglià una carta nentru à u spurtellu.
- E dopu ci vole à mostrà a carta à tuttu u mondu per assicurà u lessicu.
- A maestra principia u ghjocu : face a dumanda à un zitellu : « **induve vai tù ?** »
- U zitellu hà da risponde : « **Eiu vò ind'è.....** » impiechendu a parolla chì ghjè à nant' à a carta.
- Una volta chì u ghjocu hè capitu, i zitelli ponu ghjucà in trà di elli in attelli.

Allerghera pussibile :

Materiale :

Fiure : u paese – u fiume – u ponte- a cità – a furesta – a muntagna

Tichette cù : **in** / **à** / **ù**

Si po fà u listessu travagliu cù :

Induve vai ? **vò in paese** (Fiure : paese – cità – furesta –muntagna)

Induve vai ? **vò à a scola** (**Fiure : a scola- a funtana- u fiume- u mare**) **vò à u mare**